

quos de gradibus in facultate perceptis eidem debuit, coram tota facultate existente obtulit. Itaque credi posset, Commentaria haec praelecta fuisse in nova hac Studiorum Universitate, quam agente potissimum Job. Vitezio Archiep. Strigon. instituit magnus ille Rex Mathias, nisi Institutio primum in annum 1467. caderet, ut habes in Memoria Academiae Istropolit. Xysti Schierii Eremitae August. Vien. 1774. 4. cujus Opusculis eruditus et jam inventu difficilibus novus sane Collector et Editor optandus foret. Viennae igitur Cathedram ornavit Obrechtus noster patriam nactus Toparchiam non procul distitam Cremisio infer. Austriae; an vero inter majores Obrechtorum, qui deinceps Argentinae claruerunt, fuerit, dicere non habeo. In Academia nostra magistratum, quod sciam, nullum gessit. Quid a mox soluta Istropolitana cum eo actum, non constat; Schierii enim in mox citata Memoria diligentiam fugit.

CLXXI.

- U. 146 Codex chartaceus lat. Sec. XV. Folior. 298. f. per duas columnas bene scriptus, et minio distinctus est Lectura scholastica in D. Matthaei Evangelium, cujus Περιολεγομενα incipiunt: *In exordio aëus presentis tria sunt per me facienda. Primo divini auxilij invocacio &c.* Reliqua duo, ut mos ferebat, sunt S. Scripturae Laus, et quaedam Lectoris de se ipso. Exposito dein Hieronymi Prologo

ad ipsum Textum sic accedit Noster: *Liber generacionis &c. Hic incipitur tractatus qui dividitur in 4. partes principales secundum quatuor que regalem decent et magnificent dignitatem scilicet genealoya sapientia potencia et clemencia &c. Extrema sunt: Pondera igitur elementorum non prohibent quin corpora nostra talia possint habitare in celo. Amen.* Addidit Librarius: *Expliciunt concordancia passionum Mat. Marc. Luce et Job.* Nec immerito; in postremis enim maxime Capitibus Loca harmonica aliorum Evangelistarum Matthaeo adhibentur. Fol. praevio quaedam leguntur inscripta: *Ex collectis magistri Jacobelli (de Misa) heretici, qui ponit necessariam esse communionem sub utraque specie licet hic de hoc nihil habeatur, sed de confessione. Et re ipsa secretam fide auricularem astute suffodit, unde ad marginem monuit Possessor quidam Codicis: Vide caute, venenum latet; et p. 2. Nota iste liber venit de bohemia, sis igitur cautus in eo legendo uel studendo.* Ego vero Locis de Clavium potestate, de Paupertate Apostolorum, et institutione S. Coenae examinatis nihil ab Ecclesiae nostrae sensu alienum deprehendi.

CLXXII.

- U. 137 Codex chartaceus lat. Sec. XV. Folior. 435. f. corrente calamo perscriptus, et rubricis enotatus, olimque, ut anterior Theca praefert, legatus ad librariam domus collegij ducalis Wienne apud fratres

tres predicatorēs ab arcium et sacre theologie professore, ecclesie quoque collegiate sancti stephani ibidem canonico Jodoco weiler de bailprunna, qui inter annos 1433—47. ter Rectoris Academici munere functus, a. 1457. vitam claustris, complectitur Scholastica in D. Matthaei Evangelium Commentaria hoc ingressu: Lecturus evangelium beati Mathei statui aliqua prenotanda. Evangelium grece latine interpretatur bonum nuncium &c. Praeloquium, in quo etiam Mohammedis circa Christum errores impugnantur, excipit Expositio Prologi Hieronymiani: Matheus ex iudea sicut in ordine primus &c. Demum Commentaria, sed non nisi in priora IV. Capita

II. fol. 53. sequitur Tabula questionum evangelij Mat. Textu cursorie exposito in Loca ejus praecipua differitur ex omni Theologia, et quidem e dictis IV. Capitibus usque ad fol. 245. p. 2. Deinceps vero e Capitibus etiam hoc Codice non expositis Quaestio moventur, quae non raro in integros Tractatus abeunt.

CLXXIII.

U. 142 Codex chartaceus lat. Sec. XV. Folior. 332. f. eodem modo scriptus, ab eodemque legatus Collegio ducali est aliud Exemplum Commentariorum in D. Matthaei Evangelium, sed usque ad C. XII. progrediens. Fol. 130. p. 2. ad calcem C. V. legitur: 1448. 14. nouembris. Fol. vero 325. habetur Registrum contentorum in ex-Denis Codd. Theol. V. II. P. I.

positione euangelij S. Mathei, et quidem totius. In anteriore Theca notatur: Anno domini 1433. ultimum hujus temporis lacrimosi diem Venerabilis theologie professor, cujus ingenij excellentiam nullus reor excessit, Magister Nico. de dinklspeuechl feliciter, speramus, terminauit.

CLXXIV.

Codex chartaceus lat. Sec. XV. U. 138 Folior. 327. f. ejusdem cum praecedente rationis Commentaria operosa et solida in Evangelium Matthaei a. C. XII. ad calcem perducit. Fol. 318. subjecta est brevis Historia Vitae Christi e IV. Evangelistis industrie conflata, quae incipit: In principio erat verbum &c. et finit: sedetque a dextris patris dei. Marc. ult. Luc. ult.

CLXXV.

Codex chartaceus lat. Sec. XV. U. 139 Folior. 328. f. ad praecedentem Jodoci Weiler de Heilbrunna Collectionem pertinens est Pars II. Quaestionum in Matthaeum, Parte I. jam superius relata. Etiam in hac Parte non proceditur ordine Capitum, et ex omni Theologia, maxime vero Morali, disputatur. Quaestio ultima est de Mendacio in illud C. V. 37. Sit autem sermo vester &c. Ad ejus calcem: 1448. in Die S. Bonifacii. A fol. 281. varia adjunguntur: Tractatus de Luxuria, brevis Institutio de examinandis pro sacro